

2018 Wasserratta

Geschter seit miar d'Frau - d'Ehe isch zur Sau
si heg an andra Maa - dä näm'si richtig dra
si well au gär nüt ha - denn är glaubt an Allah
As isch dr Mohamed - wo IV hett !

Alls was bruchsch uf dr Welt - das sind Ratta
d'Wasserratta - mit da langa Schwänz
alls was bruchsch uf dr Welt - tüan's diar bütta
schöni Schtunda - drum freui di dra !

Bim Gschrei um Grippa, tüan's schu übertriiba
Ma het vergässa – au Vorteil tüand do bliiba
wenn jeda Schroter – sich wür infiziara
könn'tsch in dr Stadt – gratis parkiara !

Harvey Weinstein,Dustin Hoffmann,Kevin Spacy
Sind denn d'Männer – alli nu no crazy?
Sexuell Beläschtigt – hät schins au d'r_Blatte
Nu dMartullo hät Glück,sie glicht halt fescht am Vater!

Erdbeba, IS – Trump und d'Vogelgrippa
Flüchtlingsschtröm – d`Welt tuat do fascht flippa
Nu in dr Schwiz, das isch schu fascht a Börner
Do frog ma sich – wiaso hend Khüa kei Hörner

Amore mio more mio - aaa_aaa
Amore mio more mio - aaa_aaa
Amore mio more mio - schananana, schananana
I bini Silvio, Berlusconi – aaa_aaa
han gära Meitla, mit ganz ohni – aaa_aaa
willi zrugg, in Politik – für au bizzli, Ziggi Zigg!
macchi gära, krummi Saccha – aaa_aaa
muaschi gar nit, drüber laccha – aaa_aaa
macchi's wia dr Püntner, weisch,
Hani Potenz – dank Pü – Pü – Püntnerfleisch!

Ma sött's probiara – jo, schu fascht erfinda
Dr Kim Jong Un – und d'r Trump aswia z'verbinda
bim nögschta Tescht - an d'Raketa binda
ins Weltall schüssa - und am liabschta nia meh finda!

Bauer ledig sucht oder d'Landfrau Kuchi
Hend ihar denn ds Gefühl, so'na Sendig bruchi
Wär das nid schön, wenn's Filmi mit meh SEX git
mach's wia d'Britanier – That's it – Brexit !

Tüand Frau schreia – as goht durch Mark und Bei
Bringt'na dr Pöschtle – a Zalando Päckli hei
Schreien's denn witter – fascht schu übertriba
Denn isch sicher – dr Pöschtle dia ganz Nacht bliba!

Hat gekraccht in der Qualifikatione - ouhouhouhou
Kein Ticket – Endstazione
Merda tutta la Situazione - ouhouhouhou
Sweitausendacchzehn - ohne
Gian-Luigi Buffon - ouuhhouu
ohne Reaktion - ouuhhouu
ohne Quelle des Deffensif Spiel -isse Flasche leer !

Am Ohr dis Händy – zahl'sch grad hundert Frangga
Bim fahra ässa – sägen's au no tangga
As wär viel besser – miar wüssend das genau "rechts frei"
Gäbt's au Buassa – für z'Schnorra vu dr Frau !

Letschta Summer stohni barfuass in a Hundegagel
a bitz dr'vo han i au hüt no unter'm Nagel
drumm rüaf'i jetz – grad am'na Polizischt
dia secklen sowieso – schu fascht wäg jedem Mischt !

D' IS verspricht – da Attentäter dr siebti Himmel
wäschen dr Kopf – und rasiarend au dr Pimmel
Um d'Jungfraua doba – machen sie sich Sorga
Tuat's 'na sit Kurzem – dr Playboy Hefner bsorga !

Aaa, a-a-a-a-a-aaa, a-a-a-a-a-aaa, a-a-aaa
I han di hüt - im Lada gseh AAAAAAA
schu hani g'wüsst - i will no meh AAAAAAA
i nimm'di mit - grad zu miar hei AAAAAAA
döt sind miar - ganz allei AAAAAAA
du g'sesch so lecker us AAAAAAA
Drum pack'i di jetz eifach us AAAAAAA
Nimm's doch endlich in dis Muul AAAAAAA
lutscha isch doch eifach cool AAAAAAA
was söll do dra denn gruusig sii AAAAAAA
s'het doch Vitaminli drii AAAAAAA
glaub miar - Du gwöhn'sch Di dra AAAAAAA
i bin doch nu as "RICOLA" !!!!!

Dr Garant, a blai Pilla für da Maa
D'Frau vu hütt – kann dia in rosa ha
Jetzt müand sie sich – nümma gross verstellta
Grad aso, händ miar's denn au nit wella !

Dr Beller will d'Irina tschööpla wia halt immer
Stoht a Securitas bi ihna im Schlofzimmer
Dia tüan's halt überall, dötta stationiara
Wo's mi'm Verkehr - tuat nid so funktioniara !

As git jo Drohna, wo üs tüand überwacha
kei Problem, do kani drüber lacha
Bin im Usgang, kumma hei uf allna Viara
isch an dr Huustüür – mini Drohna am hyperventiliara !